

## OPĆINA TRNOVO

## Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 38. i 118. Statuta Općine Trnovo ("Službene novine Kantona Sarajevo", broj 12/08), načelnik Općine Trnovo, dana 25.10.2013. godine, verificovao je i donio

## ODLUKU

## O KOREKCIJI URBANISTIČKOG PROJEKTA

## "BJELAŠNICA - I FAZA"

## Član 1.

Usvaja se korekcija Urbanističkog projekta "Bjelašnica - I faza" (u daljem tekstu: korekcija Plana).

## Član 2.

Korekcijom Plana se ostvaruju uvjeti za izgradnju garažnih mjesta na parceli označenoj kao k.č. br. 3114/I K.o. Presjenica, Općina Trnovo, kao što je prikazano na grafičkom prilogu br. 2.

## Član 3.

Korekcija Plana sastoji se iz tekstualnog dijela i grafičkog priloga. Tekstualni dio i grafički prilog korekcije Plana su

sastavni dio Urbanističkog projekta "Bjelašnica - I faza" ("Službene novine Kantona Sarajevo", broj 2/01).

## Član 4.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Trnovo, Zavodu za planiranje razvoja Kantona Sarajevo i Ministarstvu prostornog uređenja i zaštite okoliša Kantona Sarajevo.

## Član 5.

Danom stupanja na snagu ove Odluke, prestaje da važi Odluka o korekciji Urbanističkog projekta "Bjelašnica-I faza" ("Službene novine Kantona Sarajevo", broj 38/13).

## Član 6.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-1269/13  
25. oktobra 2013. godine  
Trnovo

Općinski načelnik  
**Ibro Berilo**, s. r.

## KANTONALNA UPRAVA CIVILNE ZAŠTITE

Na osnovu člana 60. stav (3) Zakona o organizaciji organa uprave u Federaciji BiH ("Službene novine Federacije BiH", broj 35/05) a u vezi sa članom 201. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), direktor Kantonalne uprave civilne zaštite Kantona Sarajevo, donosi

## PRAVILNIK

O PRESTANKU VAŽENJA PRAVILNIKA O NAČINU  
ODRŽAVANJA I KORIŠTENJA JAVNIH SKLONIŠTA U  
MIRU

## Član 1.

Pravilnik o načinu održavanju i korištenju javnih skloništa u miru ("Službene novine Kantona Sarajevo", broj 24/07) prestaje važiti danom stupanja na snagu ovoga Pravilnika.

## Član 2.

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 22-44-1449/13  
28. oktobra 2013. godine  
Sarajevo

Direktor  
**Mr. Mustafa Kovač**, s. r.

## SLUŽBENE OBJAVE

## UDRUŽENJA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Ljubitelji muzike PIANO", Ministarstvo pravde i uprave donosi

## RJEŠENJE

- Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje "Ljubitelji muzike PIANO". Skraćeni naziv je: Udruženje "PIANO", sa sjedištem u Sarajevu, ulica STARI DRUM broj 30.
- Upis je izvršen pod registarskim brojem 1860. knjiga IV Registra udruženja, dana 25.10.2013. godine.
- Programski ciljevi i zadaci Udruženja su: Stvaranje uslova za organizovanje, provođenje i razvoj muzičke kulture kroz

angažovanje omladine i odraslih u lokalnoj zajednici; Razvoj i afirmacija kulturnih i intelektualnih vrijednosti BiH društva, te talentovanih muzičara; Unapređenje razvoja muzičke kulture kroz talentovane muzičare; Učešće omladine i odraslih u procesu kreiranja i realizacije procesa rada udruženja; Razvoj informativne djelatnosti; Održavanje tribina, okruglih stolova, i drugih sličnih manifestacija; te drugi ciljevi u skladu sa Zakonom i Statutom Udruženja.

- Osobe ovlaštene za zastupanje i predstavljanje su:  
Bećirović Hamid, predsjednik Udruženja;  
Rovčanin Haris, sekretar Udruženja.

Broj 03-05-05-10376/13  
25. oktobra 2013. godine  
Sarajevo

Ministrica  
**Velida Memić**, s. r.

(O-957/13)